

COMUNICATO n. 342 del 13/02/2026

De ear keart en de vraibellega jungen, organizzazioni ont projektn iber de grenz

Derkennen de jung vraibelleket 2026, de vrong plaim offet finz as de 27 van hourneng

[Mòcheno] An prais aus de grenz ver de peistn jung vraibelleket: en 2026 der Trentin, der Südtirol ont der Tirol nemmen au de vrong ver za “Derkennen de jung vraibelleket - Glanzleistung peiste òrbet”, ver de gònze euroregion. De ear keart en de jungen as hom vraibellega dinstn gem en de gamoa’schòft en an ausònder vurm, as keart en ont ver mearer zait.

S barn kemmen tschèrlt nèt mear abia vinf òrbetn gamòcht van an oa’zege mentsch ont nèt mear abia zboa projektn vourstellt va grupp, as toalmòchen va vraischòftn oder organizzazioni as nemmen nèt au gèlt ont as hom der sitz en provinz va Trea’t, ver vraibellege òrbetn as hom gem nutz n as de lòntschòft van trentin. Men bart bèrt gem en projekt aus de grenz as hòt innganommen de vraischòftn ont de organizzazioni as nemmen nèt au gèlt ont as toalmòchen van drai lander. Men bart miasn vourstelln de vrong vour en vrait as de 27 van hourneng 2026.

“Ber tschbinnen as s doi derstellt a bichtega moglechkait ver za gem gilt en de vraibellege òrbetn van jungen en Trentin, as bichte ist za kemmen derkennt. De vraibelleket ist a tschèrl as en de insertn gamoa’schòftn stòrch ist ont as toal mòcht van òllgamao’ pahalter”, hòt er tsòk der president va de Autonome Provinz va Trea’t Maurizio Fugatti.

De vourtschbinnen miasn kemmen vourstellt durch mail en Dinst ver de Sprochminderhaitn ont ausbendegen netzn, serv.minlinguistiche-relesterne@provincia.tn.it, men villt aus de vrog, pet a schea’na paschraibung van òrbetn oder van projektn, men henk derzua de kopia va de erkennkòrt van dersteller va de vraischòft oder organization ont men unterschraip de informatif privacy.

Òll vroger mu’ se vourstelln ver an iata kategori, oa’zell oder va grupp. S ist moglech derzua hengen der curriculum vitae van mentsch as de vrog vourstellt.

Derno va Trea’t en 2025, abia as keart s obècksln van lander, de innbaich ver za gem aus de ear bart kemmen gamòcht ka Poazn as de 13 van moi 2026.

Derzuan: de vrogkòrt ont de informatif privacy

Ibersetz gamòcht van Sprochtirl va de Tolgamao'schòft Hoa Valzegu' ont Bersntol

(cdt)